

## SOAL PEMBAHAGIAN REZEKI

“Janganlah salah seorang kamu duduk diam daripada mencari rezeki sambil berdoa dengan berkata:

“Ya Tuhan kurniakanlah aku rezeki”, padahal ia tahu, bahawa langit itu tidak menurunkan hujan emas dan perak. Tetapi Allah Ta‘ālā memberi rezeki kepada manusia, hanyalah dengan perantaraan setengah mereka kepada setengahnya yang lain.” – ‘Umar ibn al-Khaṭṭāb.

Al-Imām al-Ghazāliyy berkata: “Bahaya yang besar sekali bagi kebanyakan manusia ialah perkara rezeki dan mengatur rezeki.”

Bahaya ini timbul kerana beberapa perkara: Pertama, disebabkan mereka tidak percaya, bahawa rezeki itu diberi oleh Tuhan semenjak manusia zahir dari kandungan ibunya sampai akhir hayatnya, sebagaimana sabda Nabi ﷺ kepada dua orang sahabat yang mengeluh kerana sempit hidupnya:

*La tay’asā min al-rizqi ma tahazhazat ru’ūsakumā fa inna al-insāna tulidahu ummuhu ahmar lā qashara ‘alayhi thumma yarzuquhu Allāh.*  
(Rawāḥu Aḥmad wa ibn Mājah).

Ertinya: “Janganlah kamu berdua putus asa daripada mendapat rezeki, selama masih bergerak kepalamu, yakni selama hidup dikandung badan, kerana manusia dizahirkan oleh ibunya dengan keadaan telanjang, tidak berpakaian, kemudian Allah memberikan rezeki kepadanya.”

Dan firman Allah *subḥānahu wa ta’ālā*:

*Wa mā min dābbatin fī al-arḍi illā ‘alā Allāhi rizquhā wa ya’lamu mustaqarrahā wa mustawda ‘ahā kullun fī kitābin mubīn.*  
(6, Hūd).

Ertinya: “Tidak ada dari antara yang merayap

di bumi melainkan atas Allahlah (tanggungan) memberi rezeki kepadanya, dan Allah mengetahui tempat kediamannya dan tempat tersimpannya; tiap-tiap sesuatu ada tersebut di dalam kitab yang nyata (kitab catitan amal makhluk).”

“Akan engkau maki-maki lagi Muḥammad?

Aku telah beragama dengan agama Muḥammad dan akan aku ucapkan apa yang diucapkan Muḥammad. Kalau engkau berani cuba balas pukulanku” – Ini ialah perkataan Ḥamzah ibn ‘Abd al-Muṭalib ketika memukul Abū Jahl.

### Hamzah

Pahlawan Islam yang gagah, ayah saudara Nabi! Sejarahnya ini disebut di dalam buku Syuhada Islam 1 dengan nama:

### Singa Allah

### Hamzah ibn ‘Abd al-Muṭalib

Ceritanya bersemangat dan membawa semangat. Lihat sejarah keberaniannya. Senaskhah hanya 50 sen *post* 10 sen.

Oleh sebab mereka tidak percaya rezeki dari Tuhan, maka mereka curahkan segala kepandaian dan kekuatan mereka untuk mendapatkan rezeki itu. Kalau tidak didapati dari jalan yang sah, maka mereka akan menempuh jalan batil dan haram untuk mendapatnya.

Semua itu memalingkan mereka daripada menuntut keredaan Allah ‘azza wa jalla, kerana umur mereka habis digunakan untuk mencari rezeki. Maka hiduplah mereka dalam kegelapan, kelalaian dan kembali ke akhirat dengan tangan hampa, tidak membawa amal kebajikan, padahal di hadapannya telah menunggu hisab dan azab.

Itulah bahayanya kalau tidak percaya rezeki datang daripada Tuhan.

### Bahaya Salah Faham

Bahaya yang kedua, ialah salah faham tentang rezeki datangnya daripada Tuhan. Kerana salah faham, maka mereka tidak mahu berikhtiar mencari rezeki, dan mereka menyerahkannya kepada Tuhan. Maka mundurlah mereka dalam penghidupan dunia, dan terkebelakang dalam kemajuan dunia. Di akhirat belum tentu lagi keadaan<sup>1</sup> nasibnya.

Rezeki itu betul datangnya daripada Tuhan, tetapi dengan memakai sebab, yang dinamakan ikhtiar atau usaha. Bukannya turun dari langit bulat-bulat. Perhatikanlah peringatan Sayidinā ‘Umar radiya Allāhu ‘anh:

*Lā yaq‘ udu aħadukum ‘an taħlabu al-rizqi wa yaqūlu: Allāhumma irzuqni wa qad ‘alima an al-samā‘a la tamħaru dhahaban wa lā fiqdatan, wa Allāhu Ta‘ālā innamā yarzuqu al-nāsa ba‘dahum min ba‘d.*

Ertinya: “Janganlah salah seorang kamu duduk diam daripada mencari rezeki sambil berdoa dengan berkata: “Ya Tuhan kurniakanlah aku rezeki”, padahal ia tahu, bahawa langit itu tidak menurunkan hujan emas

dan perak. Tetapi Allah Ta‘ālā memberi rezeki kepada manusia, hanyalah dengan perantaraan setengahnya kepada setengahnya yang lain.”

Yang lebih keliru dan berbahaya ialah golongan yang membahagi sama rata, sama rasa rezeki manusia. Ini berlawanan dengan firman Allah Ta‘ālā:

*Wa Allāhu faddala ba‘dakum ‘alā ba‘dīn fī al-rizq.*

(7, al-Nahl)<sup>2</sup>.

Ertinya: “Dan Allah telah melebihkan sebahagian kamu atas sebahagiannya tentang rezeki.”

Bagi menghadapi semua golongan dan bahaya itu hendaklah kita berpegang teguh kepada firman Allah dan sabda Nabi. Mudah-mudahan Allah selamatkan kita daripada segala bahaya dan kesesatan.

### Kita-kitab mengenai sembahyang

1. Sembahyang Rasulullah (S.A.W.) \$3.00

Tambah belanja post 20 sen.

2. Pelajaran Sembahyang (*Allāhu Akbar*) \$1.20

3. Pelajaran Sembahyang (*Allāhu Akbar*)

Mengenai: Imam, makmum, *masbūq*

dan lain-lainnya. \$1.20

4. Mari Sembahyang (buat lelaki) \$1.20

Dari 2, 3, 4 dan 5 pesanan hendaklah

5. “ “ “ (buat perempuan) \$1.20

Tambah belanja post 10 sen tiap-tiap

naskhah.

Inilah diantara buku-buku pelajaran agama yang mudah sekali dipelajari.

<sup>1</sup> Kesalahan ejaan asal

<sup>2</sup> ayat bukan dari surah al- Nahl, terdapat kesilapan dalam catatan Qalam